

۴۶ نومرو ۵ جمادی الاخر ۱۳۱۹ (پنجشنبه) ۶ ایلول ۱۳۱۷ برنجی جلد

امور اداره و تحریریه سی ایچون
محمود بك مطبعه سنه مراجعت
اولفق لازمدر .

منافع ملك و دولته خادم و ادبیات ،
فتون ، معارف و صنایع مدن باحث
هفت ابق غزته در .

مركز توزیعی استانبول
کتابخانه سیدر .

مجموعه ادبیات


۱۳۱۸

غروش
۲۰ برسنه لك آتونه بدلی { دو سعادت
۱۲ اتی آتیق . . . ایچون
۲۶ برسنه لك
۱۰ اتی آتیق { طشره ایچون

۵۲ نومرو برسنه لك ، نصی
اتی آتیق اعتبار اولنور .

درج ایدلیان آثار اعادة و انغاز .

نسخه سی ۲۰ باره در (پنجشنبه کونلری نشر اولنور عثمانلی غزته سیدر) نسخه سی ۲۰ باره در



قوشارجه سنه چیققدنفسکره بانه کتیرمیش ویاشی
ضعیف قوللری آره - سنده صیقارق بناقلرینک
صولغون دریلری اوزرنده تتره شن کوزیاشلرینی
صاقلماق ایستیره رک آجی و صوک بروداع ایله صارلمش
صکره « اوقو! » دیمشیدی .

اوخ، اووقت بنده بیلمیه رک فقط آجی برحسله
بانارق آغلیسوردوم . اوکا : « سن کیتمایسک بو
افتراق بلکه الیم، بلکه مؤ بددر . » دیمک ایچون
ایکله ده کجه بوتون قلبمک متادی کره لرله بربحران
ایچنده باتیوردوم . قبلرمز چاریور، کوکسارمز
قاباریسوردی . برمدت قوللرینی آجیدی ؛ کوزلرینک
کریملی نظرلرینی کوزلرله دیکه رک، اللرمی کندی
قورومش ضعیف اللری ایچنده صیقارق ایله جه
کویا بر مساعده استرحامه درین درین باقدی
وصکره « مساعده ایدرمیسک اوغلم دیدی شمدیلک
کیدمه ده ... » اکیال ایده میور، سویلیه میوردی .
شمدی ینه کوزلری سریع بر جریان ایله برطوفان کچی
بوشانمشدی . خنچقریقاری آره سنده دوام ایستدی .
اوت شمدی کیده جک . لکن ؛ صکره ، چوق
دکل ؛ برآی سورمه دن ینه تکرار کله جکیدی .

صکره کیتدی . فقط ؛ نه قدر الیم ، نه قدر
بدبخت . صوک کوزیاشلرندن ماعدا هیچ بریادکار
براقفسزین، و اونی تشییع ایده مکسزین، « چوق
کجکه ! زیرا بوراده سنی بوتون روحیه سون ،
بوتون روحیه آذولین بریسی وار » دیه جک
قدر بیله برزمان بوله مقسزین ابدیاً کیتدی .

مابعدی وار

محمد اکرم

بر قادین بیلورم که ، چوجقلغمک بوتون
خاطرات سمداتی ، بوتون آمال صفوقی اونک
آغوش شفقتده بسلتمش در : نازک ، نجف بر
قادین . چهره سنک بر انحنای الیم ایله ارتسام ایدن
بوروشوققلاری آلتنده کوشه مش یناقلری ایله ،
چوقورلشمش سونوک، فرسز نظرلریله ، صولغون
دوداقلرینک حزین تبسملریله ، بر سحباب ملال
ایچنده آغلایان روحک ماتلمرینی صوصدرمش ؛
کره لریمی بوتون سینه سنک، بوتون قلبنک انکشاف
رحمتی ایچنده کیزله مش ؛ اینلریمی کره لرله تسلی
ایتمش ؛ اضطرابلریمی بوتون نوازشلریله ، بوتون
زمین بوسه لرله آوومش ؛ فقط هب کره لرله ،
کره یلی ، مظلم ، آجی افتراقلره آراق چوکش ،
اختیارلامش بر قادین .

اوت ، او بوتون بوکیمه سز کچن حیاتنک
فرسوده الملری ایچنده یووارلاندقجه هر سته یکی
برعلته چوکدرک ، یکی برحسرتله بانارق صولمش
و اوزاق بربرده سیاه — بلکه پارلاق — برکیجه .
نک رحمتلری ایچینده یزمرده امیدلری ایله
سونیوبرمشدی .

هیچ اونوته میورم . اونی کویندن ، کندی
مرحوم قیز قرده شینک اوغلی طرفدن موقه
ایستکلاری زمان کوجوک همان کری یازیلرله ایکی
سطر دن عبارت برکوبلی مکتوبی گلشدی . او ؛
پوسته جنیک الدن صبرسزلقله قایدینی بوکاغد
پارچه سنی اختیارلنک ضعفنه ، قوتسز لخنه باقیه رق
خلجیانلر ایچنده تازه بر قیز چوبککلکله نردبانلری